

Errusiak erasoaldia hasi du gerrillarien gordelekuaren aurka

Txetxenia eta inguruko errepubliken arteko mugak itxi ditu Moskuk

Erredakzioa / Donostia

Errusiako 20.000 soldadu inguruk erasoaldia hasi zuten atzo Xatoi herrian, Txetxenia hegoaldeko eremu menditsuan. Argungo haitzarterako sarrera da Xatoi

eta gerrillari txetxeniarren gotorlekua dela uste dute Moskuko agintari militarrek. Interfax berri agentziak atzo emandako informazioaren arabera, 3.000tik 5.000 gerrillari bitarte daude han ezkutatuta.



MINDAUGAS KULBIS / AP

Emakume errefuxiatu bat, umea besoetan duela, Txetxeniako mugan, bere herrialdera berriro noiz sartuko zain.

ARMADAK airez eta lurrez eraso zion atzo Xatoi herriari, Errusiako iturriek azaldu zuten. Abiazio militarrek 150 hegaldi egin zituen Txetxeniako gerrillarien baseen aurka Xatoin eta Argungo haitzartean; eta artilleriarekin gogor eraso zien gunehaiei.

Milaka gerrillari inguratu dituzte Errusiako Armadak. Baina gerrillariez gain, milaka herritar zibil daude harapatuta Xatoin, handik alde egindako errefuxiatuek adierazi zuten. Haiek salatu dutenez, soldaduek ez dituzte igarobideak zabaldu zibilek borroketatik ihes egin dezaten.

Egoera kezagarria da Xatoin. 157.000 bizilagun zituen herriak gerra aurretik. Gaur egun, ordea, 50.000 eskas daude. Grozni hiriburutik eta landetatik alde egindako errefuxiatuak dira gehienak.

Gosetea hedatzen ari da herrian eta tropa errusiarren erasoak areagotu egin du egoera larria. Irin eta azukre erreserbak agortu egin dira, eta blokearen ondorioz, herritarrek ezin dituzte premiazko gaiak inon lortu.

Hegoaldeko mendietako

Deportazioa

Gaur 56 urte hasi zen Sobiet Batasun ohiko erregimen estalinista Txetxeniako herritarrek Erdi aldeko Asiara deportatzen. Moskuk II. Mundu Gerran naziei lagundu izana leporatu zien txetxeniarrak.

erasoaldiari ekiteaz gain, Txetxenia eta inguruko errepublikaren arteko mugak itxi zituen atzo Errusiak. Inor ezin zen sartu Txetxeniara, ez handik irten ere. Inguxetiako Gobernuak, ordea, ukatu egin zuen txetxeniarraren erasoaren arriskua zegoela.

Errusiako agintari militarrek alerta egoeran jarri dituzte indar militarrek Txetxeniako eskualde guztietan. Izan ere, gaurko egunez hasi zuten txetxeniarraren deportazioa II. Mundu Gerraren ostean. Errusian, baina, Soldadu Aberriaren Defendatzailearen eguna ospatuko dute. Kointzidentzia horrek eragin ditzakeen eraso edo atentatuei aurre egin nahi die horrela Moskuk.

Hala ere, Txetxeniako lehendakariorde Vaja Arsa-

novek ukatu egin du gerrillariak ekintza edo erasoaldi bereziak egingo dituztela. «Erasotzaileak egunez egun hilko ditugu, astebururik edo jaiegunik gabe», esan zion atzo Arsanovek prentsari.

Putinen esker ona herritarrei

Errusiako jarduneko lehendakari Vladimir Putinek eskerrak eman dizkie Errusiako herritarrei Txetxeniako gerran ematen ari zaizkion sostenguagatik. «Gure Armadari eskaini dioten sostengua eskertu nahi nuke. Babes hori izan ez bagenu, ez genituzkeen lortuko lortu ditugun emaitzak», esan zuen Putinek.

Bestalde, Erresuma Batuko Atzerri ministro Robin Cook Errusiara joan da bi herrialdeen arteko harremanak sendotzeko asmoz. Cook-ek bi eguneko bisitaldia egingo du.

Moskun izango den artean, jarduneko presidente Vladimir Putinekin, Errusiako Atzerri ministro Ivanovekin eta Legebiltzarreko taldetako ordezkariarekin mintzatuko da.

laburrean



GEMUNU AMARASINGHE / AP

Ukrainako ultraeskuindarrak «Austriatik abiatuko den ordena berriaren alde». Ukrainako Una-Unso alderdi ultraeskuindarreko kide bat agur faxista egiten ageri da Kieven, Austriako enbaxadaren aurrean. Alderdi horretako hainbat kidek «Europako ordena berria Austriatik» abiatuko dela aldarrikatu zuten, eta Europako Batasuna Austrian egiten ari den esku-hartzea salatatu.

A U S T R I A

■ Joerg Haiderrek bere kritikoak «lotsarazteko» asmoa agertu du gutxiengoei buruzko txosten baten bidez

Joerg Haider Austriako buruzagi ultraeskuindarrak Europako bere kritikoak «lotsarazteko» asmoa agertu du gutxiengoei buruzko txosten baten bidez. Haiderren esanetan, txosten horrek erakutsiko du «Europako politikari handiek» ezin dutela gutxiengoentzako bizitza maila gutxienezko bermatu. Ikerketa hori «Europako politiko harroentzat erantzuna izango da», Haiderrek atzo adierazi zuenez. Adibide gisa Frantzia aipatu zuen, eta zehazki Bretanian zenbait pentsiotan jartzen duena: «Galarazita dago bretoieraz hitz egitea».

F R A N T Z I A

■ Gobernuak Nazioarteko Auzitegi Penaleko artikulua baliatuko du herritarrek gerra krimenetatik babesteko

Frantziako Gobernuak atzo jakinarazi zuenez, aurki eratuko den Nazioarteko Auzitegi Penaleko (TPI) estatutuaren ageri den 124. artikulua baliatuko du Frantziako herritarrek gerra krimenengatik juzga ez ditzaten. Artikulu horrek zazpi urtez Auzitegi horri uko egiteko ahalmena ematen die gobernuari, eta Parisek bere egin du, militar frantziarrek ustez «gehiegizkoak» izan daitezkeen salaketak saihesteko.

K O R S I K A

■ Alain Orsoni errefuxiatu korsikarrak bere burua entregatuko duela iragarri du Nikaraguan

Parisko Auzitegiak sasia deklaratu zuen atzo Alain Orsoni errefuxiatu korsikarra, eta hark bere burua entregatuko duela eta bere kontrako salaketa eta zigorrak errekurrituko dituela iragarri zuen atzo Nikaragutik.



Kultur S i k ruz
 I un ut k unk r